

Der Ander Grundriß des Hospittals.

Dieses ist der ander Boden vnd also das rechte innere Haupt:
oder Kreuzgebaw / dann P. C. ♁. E. Ω. ⊙. X. H. I. D. L.
so wolendie darumben eingefasste Mauren V. Δ. □. ♁. Item
die zwo Nebenseiten

A. B. das alles ist an der Maß vnd Ordnung / dem Ersten Grundriß
ganz ähnlichen / dergestalt / daß die am ersten vffgeführte Fundamenten
Mauren / hiezugegen widerumben gebraucht / vnd also zur Beständig-
keit des Bawes / darauff solle gefessen werden. Wann man demnach
vber die Stiegen von Orient. Bey

d. d. auff die Vorlauben zu der Thür

T. herauff kompt / vnd in dieselbige Principal / der Krancken Weiber-
stuben / (dieweil die vndere im Ersten Grundriß delinirte Stuben /
für die Männer ist verordnet worden / so mag hiegegenwertige für die
Weiber dienlichen seyn) gelanget / so wird man zu beeden Seiten hins-
auff / so wolendie oben im Kreuz / an jeso

52. Bettstattlin (dieweil die zween vndere Defen hier mit können
gebraucht / sonder wann es vonnöthen / die Wärme durch sonderbare
Fallen vnd Gätter / von der vndern Stuben / herauff zulassen vermöge
ist) welche mit ♁. derselben Fuossenkästlin mit * . der beeden Bett-
stattlin Nebengänglin mit II. II. vnd dero beyseits stehende Fenster
mit M. M. bezeichnet worden / finden / für die Weiber gar bequem zu-
gebrauchen / oder nach glegenheit der Anzahl Personen sich zubedie-
nen. Bey

V. vnd V. so kompt man abermahlen von der Parte Meridie, & Se-
pentrione, vber zwo Stiegen auff die Vorlauben herauff / vnd kan
bey ♂. gegen der Thür ♂. abermahlen der Hauptgang / im zutragen
der Speisen / so wolendie auch der gesunde Durchluft genossen werde. Der

Vndere